



Sermon  
Kxf. Dr. Numlaajtsheb Yaaj

“Koom Teg Ua Dlejnum”

Seventeen Sunday after Pentecost  
**I Am a Church Member – A Functioning Church Member**  
**Week 1**  
St. Michael’s Lutheran Church  
9-19-2021

Thov txuj koobmoov txujkev hlub hab txujkev humxeeb pub rua mej suavdlawg lug ntawm Vaajtswv kws yog peb Leejtxiv kws yog peb tug Cawmseej Tswv Yexus Khetos. Asmees.

**1 Kauleethaus 12:12, 27** The body is a unit, though it is made up of many parts; and though all its parts are many, they form one body. So it is with Christ. Now you are the body of Christ, and each one of you is a part of it.– *Lub cev yog ib qhov, nwg muaj ntau yaam; txawm ntau yaam ntawd muaj ntau heev, puavleej yog ib lub cev. Nuav zoo ib yaam le Yexus Khetos. Taamsimnuav koj yog koom nrug Yexus lub cev, vim koj yog ib yaam ntawm lub cev ntawd.*” Nuav yog Vaajtswv Txujlug. (Cross reference – Loos 12:4-5, 1 Kauleethaus 10:17; 12:7, 20, 27; 1 Kauleethaus 1:2; 6:15; 12:12, 26, Efexus 1:23; 4:12; 5:30, Kaulauxais 1:18, 24; 2:19)

Illustration “all ingredient” (Show picture of fried rice)



“I love to eat fried rice - Kuv nyam noj movkib - fried rice.” Muaj ib taagkig kuv sawv lug kuv xaav hastas, kuv yuav muab mov lug kib noj. Kuv muaj mov, muaj ntsev hab muaj fwjtxob dlawb lawm tabsis tsis muaj qais, sesame oil hab tsis muaj soysauce lug rau ces kuv ua tsis tau movkib noj. Kuv tsua moog ua mij noj lawm xwb. Ob peb lub limtam tomqaab, kuv moog yuav txhuayaam taag lug tseg ca hab npaaj rua lwm zag maam le kib mov noj. Kuv ho xaav hastas, kuv yuav rov kib mov noj dluas. Kuv muaj txhuayaam lawm tabsis tsis muaj qais. Ces kuv kuj kib tsi tau mov noj zagnuav hab, kuv rov ua mij noj dluas.

I. Cov kwvtij hlub hab movtshua, yog thaum twg koj yuav ua ib yaam dlaabtsi, koj yuavtsum muaj khoom kuas txhij txhua koj txaj le ua tau hab txhaj le ua kuas tav. Yog koj yuav muab ntsahlau lug ntsa ib dlaim txag ntoo tabsis koj tub tsis muaj rauj koj yuav ua caag xua tug ntsathawv ntawd ntsa tau dlaim ntoo?  
(Show nail & hammer / paint & brush / typewriter)



Yog koj xaav muab xim lub pleev lub tsev kuas tshab, tabsis koj tsua muaj cov xim xwb koj tsi muaj tug npluav koj yuav ua le caag pleev tau cov xim tshab rua koj lub tsev? Yog koj xaav

ntaw ntawv, koj tsi muaj lub cav ntau ntawv, koj yuav ua le caag ntau tau ntawv? Vaajtswv Txujlug nubnuav qha rua peb hastas, "The body is a unit, though it is made up of many parts; and though all its parts are many, they form one body. So it is with Christ. Now you are the body of Christ, and each one of you is a part of it – *Lub cev yog ib qhov, nwg muaj ntau yaam; txawm ntau yaam ntawd muaj ntau heev, puavleej yog ib lub cev. Nuav zoo ib yaam le Yexus Khetos. Taamsimnuav koj yog koom nrug Yexus lub cev, vim koj yog ib yaam ntawm lub cev ntawd.*” (1 Kauleethaus 12:12, 27)

Thaum peb nyeem Vaajtswv txujlug nuav peb puas totaub le? Ca kuv muab has kuas yoojyim zog rua mej suavdlawg. (Show picture of car)




Yog hastas koj muaj lub tsheb, lub tseb ntawd yuavtsum muaj lub Engine, gas, oil, fluid, tire, and all other necessary parts to make it run and go – lub cav, roj, roj nplau, kuas, lug, hab txhuayaam txhaj le yuav tsaav tau. Vaajtswv Txujlug qha rua peb hastas, peb teg dlejnum ntawm pawgntseeg los zoo ib yaam le nuav hab. Yog hastas peb yuav qha lwmtug txug peb tug Cawmseej Tswv Yexus Khetos txujkev cawmdlim, peb yuavtsum tau siv taagnrho suavdlawg lug uake txhaj le yuav ua tau Vaajtswv teg dlejnum. Peb yog ib Pawgntseeg, peb yog ib lub cev kws koom nrug Yexus Khetos lub cev.

Pawgntseeg yuavtsum muaj Xwbfwb lug qha Txujmoozoo, tabsis yuavtsum muaj cov tswvcuab kws yog Pawgntseeg lug nrug Xwbfwb uake qha Txujmoozoo ntawd nwg txhaj le yuav tsi tu ncuat teg dlejnum. Yog txhuayaam tso taagnrho rua Xwbfwb xwb, Pawgntseeg yuav tsi luj hlub hab yuav tsi vaammeej vim Xwbfwb ib leeg yuav ua tsi taag cov dlejnum kws yog ua rua Vaajtswv tau koobmeej. (Show go – Matthew 28:19)



Vaajtswv Txujlug saamfwm tseg ntawm Mathais 28:18-20 “Go and make disciples of all nations.... – *ca le moog muab txhuatug lug ua thwjtim...*” Peb yuav ua le caag moog koj tau lwmtug lug ua tau thwjtim yog peb tub tsi paub txug Vaajtswv teg dlejnum? Xwbfwb qha kuas cov ntseeg moog ua dlejnum los cov ntseeg tub tsi koomteg ua dlejnum le yuav ua le caag txhaj le ua tau?

II. Ntau zag Pawgntseeg tsi koomteeg ua dlejnum vim Pawgntseeg tsi totaub hastas puab koom nrug lub cev ntawm Tswv Yexus Khetos. (Show the work of the Church or Individual Christian?)



Yog hastas, txug nub hawm Vaajtswv, tsi muaj cov tswvcuab tuaj togqhua, tu lub tuamtsev, paab ua lwmyaam dlejnum, pawgntseeg yuav ua le caag koomteg ua tau Vaajtswv cov dlejnum? Mej sim saib, yog mej lub cev ib txhais teg tu lawm, lub cev ntawd puas yuav ua tau dlejnum zoo ib yaam le lub cev kws muaj ob txhais teg? Yeej ua tsi tau le vim nwg tsua muaj ib txhais teg lawm xwb. Pawgntseeg yog tsi muaj Xwbfwb, tsis muaj txwjlaug, cov namtsev, lug sis paab ua dlejnum, cov dlejnum ntawd, zoo nkaus le ib txhais teg tu lawm, teg dlejnum ntawd yuav moog tsi zoo npaum le kws suavdlawg lug sib koom kuas muaj txhuayaam txhaj le yuav ua tau dlejnum zoo.

Cov kwvtij hlub hab movtshua, Vaajtswv hu peb txhua leej txhuatug lug koom ua ib lub cev lug koom ua ib paab ib pawg kws yog lug koom ua ib pawgntseeg yog lug koomteg ua Vaajtswv teg dlejnum rua ntawm peb tug Cawmseej Tswv Yexus Khetos. Nyag muaj nyag qhov koobmoov kws kws Vaajtswv pub, vim Vaajtswv hu koj lug koj tau txujkev cawmdlim kws yog tau txujsa moog ibtxhis lawm. Yog le ntawd, Vaajtswv saamfwm tseg kuas koj yuav koomteg nrug txhuatug ntseeg Vaajtswv ua Vaajtswv teg dlejnum moog thoob lub nplajteb. (Show witness)



Vaajtswv saamfwm tseg nyob rua ntawm Cov Dlejnum – Acts 1:8 “you will be my **witnesses** in Jerusalem, and in all **Judea** and **Samaria**, and to the ends of the earth. – *koj yuav ua timkhawm huv lub nroog Yeluxalees, taagnrho tebchaws Yudas hab Xamalis, hab txug lub nplajteb kawg.*” Peb yuav ua tau timkhawm losyog povthawj rua lwmtug txug Yexus txujkev cawmdlim ces yog Pawgntseeg kws koomteg ua dlejnum zoo yog ib leeg ua ib qhov txhaj le muab tau lub koobmeej rua Vaajtswv.

Muaj ib tug txivtsev tsi tuaj hawm Vaajtswv tau ntev loo lawm, Xwbfwb moog saib tug txivtsev ntawd. Tug txivtsev has rua xwbfwb hastas, “Kuv tsi muaj sijhawm tuaj hawm Vaajtswv le.” (Show fireplace & charcoal)



Obtug nyob ze rua ntawm lub qhovcub raub tawg. Tug Xwbfwb muab ib lub ncaig suavtawg dlig lug ca rua ntawm cov tshauv. Tsi ntev lub ncaig tawg pib tuag zuzug hab thaum kawg tsi cig hab tsi kub le lawm. Tug Xwb txhaj le has rua tug txivtsev nuav hastas, “Koj saib lub ncaigtawg nuav, thaus nwg pib kub tuaj nwg cig lab hab kub cig heev le. Tabsis thaum muab nwg rhu tawm lug lawm, nwg tsi caj ntxiv le lawm. Peb txujkev ntseeg Vaajtswv hab koomteg ua Vaajtswv teg dlejnum zoo le lub ncaig suavtawg nuav. Yog peb tsi tuaj koom ua dlejnum uake hab muab peb txujkev ntseeg sawv khovkho rua ntawm Vaajtswv, tsi ntev peb txujkev ntseeg yuav tuag tsi cig zoo le lub ncaigtawg nuav.”


III. Peb tug Cawmseej Tswv Yexus Khetos thaus Nwg pib Nwg teg dlejnum, nwg khaiv nwg cov thwjtim kuas puab moog ua dlejnum. Nwg khaiv kuas puab moog qha Nwg Txujmoozoo, ntab dlaab, khu tug kws muaj mob, hab paab lwmtug. Cov thwjtim mobsab ua tau dlejnum vim puab ntseeg Tswv Yexus Khetos hab ca sab hastas Yexus nrugnraim puab hab paab kuas puab ua tau. Yog peb yuav koomteg ua tau Vaajtswv teg dlejnum, peb yeej ua tau vim Vaajntsujplig Dlawbhuv yuav nrugnraim peb hab paab kuas peb siv peb tej tswvyim nrug tej koobmoov lug moog paab ua Vaajtswv teg dlejnum kuas lwmtug nov txug Vaajtswv txujkev cawmdlim, lwmtug txhaj le yuav lug tau txujkev cawmdlim ntawd hab.

Muaj ib tug txivneej tuaj saib ib lub pawgntseeg hab nrug Xwbfwb thaam. (Show old broken church)



Nwg hastas, “Kuv xaav lug ua tswvcuab tabsis kuv tsis muaj sijhawm le. Kuv yuav tsi muaj sijhawm koomteg nrug Pawgntseeg ua dlejnum.” Xwbfwb txhaj le has rua tug txivneej nuav hastas, “Zoo sab tas koj xaav lug ua tswvcuab, tabsis, tej zag peb Pawgntseeg nuav yuav tsi yog pawgntseeg rua koj. Ca koj moog saib Pawgntseeg le 4 txujkev tomntej ntawd hab tej zag puab yuav yog pawgntseeg zoo rua koj.” Tug txivneej nuav txawm tawm moog lawm. Thaus nwg moog txug Pawgntseeg le tomntej ntawd, ua caag lub Tuamtsev qhovrooj tej kaw taag, tej qhovrais tawg taag hab nphob nphob lawm, tsis muaj leejtwg tuaj tu hab tsi muaj tuabneeg hawm

Vaajtswv lawm. Tug txivneej nuav maam le raag dheev hab totuab Xwbfwb cov lug hastas, yog cov tswvcuab tsi koom ua dlejnum huv Pawgntseeg, tsi paab lwmyaam, vim ibtug pheej tog ib tug, tsi ntev pawgntseeg yuav tsi muaj lawm, vim Pawgntseeg tsi koomteg ua dlejnum. Thaus kawg, Vaajtswv yuav tsi foom koobmoov rua Pawgntseeg, thaum kawg, Pawgntseeg yuav tawg, yuav sisfaib, hab yuav tsis muaj ntxiv lawm. Cov kwvtij, Pawgntseeg nrug rua Xwbfwb yuavtsum koomteg ua dlejnum, Vaajtswv Txujmoozoo txhaj le yuav moog txug tug kws tsi tau nov Txujmoozoo hab txhaj le yuav txhawb tau tug kws muaj kev ntseeg tsawg. (Show picture of many members one body)



Peb yeej koomteg ua tau Vaajtswv teg dlejnum txawm, peb ua tug togqhua, peb ua tug paab muab tuabneeg nyob rooj, peb yog tug moog tshaaj Txujmoozoo, peb yog thawj txivtsev, thawj namtsev, tug tuavnyaj, txawm peb rua txawj luag hab txawm yog peb ua yaam dlejnum twg los peb yeej koomteg nrug Pawgntseeg ua tau dlejnum lawm. Nwg pub cov Xwbfwb thaum u ua tau dlejnum. Taamsimnuav Nwg pub koj ua tau dlejnum vim koj koom nrug tuab lub cev kws muaj ntau qhov koobmoov. Koj yuav koomteg ua taj dlejnum vim Vaajtswv yuav nrugnraim koj nyob moog txug lub

nplajteb kawg. Asmees. Thov kuas Vaajtswv Txujlug pub rua peb suavdlawg totaub hab tau nyob kaajsab lug rua ntawm peb tug Cawmseej Tswv Yexus Khetos lub npe. Peb txhauatug kws yog...Asmees.